



Сыр бойы

Қызылорда облыстық қоғамдық-саяси газет • 1929 жылдың 1 шілдесінен шығады

№18
(20292)



СҮБЕЛІ СӨЗ

- Ел болып бірігуден асқан бақыт жоқ. (Білге қаған)
- Тату елге тыныштық пен тоқшылық нәсіп. (Күлтетін)

3 ақпан, бейсенбі 2022 жыл

e-mail: syrboyi@yandex.kz / www.syrboyi.kz

www.facebook.com/syrboyi.kz/

www.instagram.com/syrboyi_kz

https://twitter.com/syrboyi

t.me/syrboyi_kz

● ПРЕЗИДЕНТ



ЕНДІГІ ҰСТАНЫМ ӨЗГЕРМЕЙДІ

Сырақтатып сан соқпаққа салатын кез бұл емес. Сен көбесі сөгілді. Қоғамның жанын жегідей жеп, өбден тамырлап алған жемқорлыққа құрық салына бастады. Қазақ «Түпкі айылдың батқанын, несі білмес, ат білер...» деген. Астарлы сөзге ақиқат бар.

Зан үстемдік құруы тиіс. Құқықтық мемлекет үшін, ең алдымен, жемқорлықтың тамырына балта шабу керек. Онысы оңалмау деу – зүрешілік.

Сыбайлас жемқорлықты ауыздықтаудың амалдары жасалып-ақ жатыр. Нәтиже жоқ емес. Дегенмен, түбегейлі өзгеріс әкелген жоқ. Мұны ашық айтуымыз керек. Азаматтарымыз әлі де күнделікті өмірде сыбайлас жемқорлық жағдайларымен бетпе-бет келуде, – деді Президент сейсенбіде өткен кенесте.

Сыбайлас жемқорлыққа қарсы іс-қимыл мәселелері жөнінде кенестің осы жолғы отырысы үшін мәнінде, ерекше сипатта өрбиді.

Әрине, Президент айтқандай, құқық қорғау органдарының жұмысының сыбайлас жемқорлықпен тиімді күрес жүргізу мүлде мүмкін емес. Алайда, олардың істін себеп-салдарына терең бойламай, зерттемей, көп жылдар бойы пара алушыларды қылмыс үстінде ұстап келуінің өзі екішұтты ой қалдырады. Өртүрлі адам бір лауазымды атқарып отырып, бірдей мәселелерді шешкені үшін кінәлі деп танылған. Жемқорларды тұрақты түрде ұстап, түрмеге тоғытып отырған. Ал сыбайлас жемқорлықтың белең алуына қатысты себептер мен жағдайлар ешкімді қызықтыра қоймаған. Тек соңғы жылдары ғана осы мәселеге назар аударыла бастаған сынайлы.

БЕС ЖЫЛДА 2 ТРИЛЛИОН НЕМЕСЕ СУБСИДИЯ ОРНЫНА КҮН БАТАРЕЯСЫ

Мына қызықты қараңыз. «Бармақ басты, көз қыстынын» көкесі аграрлық салада жатыр. Бес жылда 2 триллион тенге, 960 қылмыстық іс, жайылымның өзін жонға келтіруге бағытталған 80 миллиард тенгенің тең жарымы, субсидияның орнына күн батареясы, қысқасы, бұл саланың сіз бен біз біле бермейтін «хикаясы» жетіп-артылады.

2-бет

– Бұл жерде ауыл шаруашылығындағы субсидияларға байланысты жемқорлық деректердің анықталғанын атап өтуге болады. Кейінгі бес жылда мемлекет аграрилерді қолдау үшін екі триллион тенге бөлді. Осы уақыт ішінде аталған салада 960 қылмыстық іс тіркелген. 450 адам қылмыстық жауапкершілікке тартылған. Бұл сала жылдар бойы жемқорлыққа белшеден батуда. Соның кесірінен мемлекет үлкен зиян шекті, азық-түлік қауіпсіздігіне нұқсан келді. Атап айтқанда, жайылымдық жерлерді суландыруға бөлінген 80 миллиард тенгенің тең жартысы мақсатқа сай жұмсалмаған. Былтыр қуанышты болған кезде шаруалар жем-шөп таппай, мал қырылып қалды. Тіпті, кейбір өңірде шаруаларға субсидия ретінде күн батареясы берілген. Ашығын айтқанда, ауыл тұрғындарына не қажет екеніне ешкім бас қатырмаған. Субсидияны игердік деп есеп беру үшін сол күн батареяларының бағасы еселеп көрсетілген. Мұның бәрі уәкілетті органдардың жауапсыздығынан болған. Ауыл шаруашылығы министрлігі мен өкімдер мұндай былыққа жол бергені үшін жауап беруі керек, – деді Президент.

Жергілікті еңбек ресурстарын тарту маңызды

Мемлекет басшысы Қасым-Жомарт Тоқаев «Лукойл» мұнай компаниясының президенті Вагит Алекперовті қабылдады.

Қазақстан Президентіне мұнай компаниясының Қазақстандағы атқарып жатқан жұмыстарының қорытындылары және көмірсутегі секторындағы бірқатар бірлескен жобаларға қатысты жоспардың жүзеге асырылу барысы туралы есеп берілді.

Вагит Алекперов «ҚазМұнай-Газ» ұлттық компаниясы мен «Лукойл» жария акционерлік қоғамы арасындағы Каспий теңізінің қазақстандық бөлігін игеру жөніндегі жобалар бойынша ынтымақтастықтың қарқынды дамып келе жатқанын айтты. «Жеңіс» және «Әл-Фараби» жобалары аясындағы жер қойнауын пайдалануға қатысты келісімшарттар жасалып, жұмыстар басталды. Сондай-ақ «Лукойл» мұнай компаниясы – «Қаламқас-теңіз» бен «Хазар» теңіз кен орындарын игеру жөніндегі стратегиялық серіктес.

Мемлекет басшысы қосалқы мердігерлік жұмыстарды жүзеге асыруға қазақстандық компаниялар мен жергілікті еңбек ресурстарын барынша тарту маңызды екенін атап өтті.



Бейжіңде Ақ Олимпиаданың ашылуында еліміздің байрағын биыл алғаш рет бір емес, екі спортшы алып шығады. Оның бірі – шорт-трекпен Қазақстан құрамасының көшбасшысы Абзал Әжіғалиев, екіншісі – конькиші Екатерина Айдова. Екі спортшымыз да құрамадағы тәжірибелі, жұлдеге таласуға мүмкіндігі жоғары спортшылар.

Белелді бәсекеге біздің еліміздің атынан 34 спортшы қатысады деп күтілуде. Қазақстандықтар 87 жолдама бойынша жұлдеге таласады. Олар шаңғы жарысы, фристайл акробатика және могул, конькимен жүгіру, шорт-трек, биатлон, тау шаңғысы, тұғырдан секіру, шаңғы қоссайысы сияқты 8 спорт түрінен сыңға түседі.

Қысқы Олимпиаданы өткізу құқығын Бейжің 2015 жылы 31 шілдеде алды. Осылайша Қытай астанасы әлемде жазғы және қысқы

Жаһан жұртшылығы асыға күткен 2022 жылғы Қысқы Олимпиада ойындары жалауын көтеретін күні де жетті. Ертең, 4 ақпанда Қытай астанасы – Бейжің қаласында дүбірлі доданың алауы жағылып, жұмыр жердің әр қиырынан келген спортшылар жарыс жолына шығады. Төртжылдық доданың ашылу салтанаты Нұр-Сұлтан уақытымен 4 ақпан күні, сағат 17:55-те басталады.

Асыға күткен Ақ Олимпиада



Олимпиада ойындарын қабылдаған алғашқы қала ретінде тарихқа енгелі отыр.

Айтулы аламан «таза мұз бен қардағы қуанышты күн» ұраны негізінде ұйымдастырылады. Ұйымдастырушылар алдағы уақытта миллиондаған қытайлықтардың қысқы спорт түрлеріне қызығуына жол ашады деп үміттеніп отыр.

4-бет

● ДЕНСАУЛЫҚ

БҮЙРЕК ТРАНСПЛАНТАЦИЯСЫ: ДОНОР МЕН ҚАРЖЫ ЖЕТІСПЕЙДІ

Бүйрек – адамның маңызды ағзасының бірі. Оның адам бойында 24 сағатта 180 литр қанды сүзіп, 1 минутта 80 мл қанды сүзуден өткізетін қызметі бар. Осылай ағзаны тазалап, қалдықтарды несеппен бірге шығарып, теңгерімді электролит деңгейін ұстап, қан қысымын реттейді. Оның қызметі бұзылса бүрісіп қалады. Басқа ағзалардың жұмысын бауалатады. Мұнан соң бүйрек аурулары, тас түзілу пайда болады. Біздің облыста бүйрек трансплантациясы бойынша 105 адам кезек күтуде. Өкініштісі, он бес жыл бойы кезек келмеген жандар бар.

Гүлбану МАҚАЖАН, «Сыр бойы»

Бүйрек трансплантациясының күту парағында еліміз бойынша 4200 адам тұр. Тізім Қазақстан бойынша біріктірілген, Трансплант-тауды және жоғары технологиялық медициналық қызметті үйлестіру жөніндегі республикалық орта-

лық арқылы басқарылады. Кезегін күткендердің бірі қала тұрғыны Нұрсұлтан Дәстенов «баспанамның жоқтығынан бұрын, бүйрек салдырты алмай жүргенім жанымна батады», – дейді.

4-бет

● САУЛЫҚ – САҚТЫҚТА

Облыста эпидемиологиялық жағдай тұрақталды. Қазіргі кезде инфекциялық стационарда 253 адам, жансақтау бөлімінде 25 науқас ем қабылдауда. Сондай-ақ, өңірдегі барлық емханаларда вакцина қоры жеткілікті.

30513 адам «Pfizer» вакцинасын алған



– Өңір санитарлық-эпидемиологиялық ахуалдың тұрақталуына байланысты «сары аймақ» қатарында, 2 ақпандағы мәлімет бойынша 20 жағдай тіркеліп, аурушандық деңгейі салыстырмалы түрде төмендегені байқалады. Сонымен қатар, 72515 облыс тұрғыны ревакциналанудан өтті. Оның 4 мыңнан астамы американдық «Pfizer» вакцинасын салдырды. Жалпы облыс бойынша вакцинаның I компонентін 93 процент, II компонентін алғандар 89,8 процентті құрады. Ал 30 513 адам «Pfizer» вакцинасын алды, – дейді облыстық денсаулық сақтау басқармасы басшысының орынбасары Жангелді Шайымбетов.

Жалпы Қазақстанда 2 ақпандағы жағдай бойынша 7149 адамда коронавирус індеті ПТР арқылы расталып, ауырғаны белгілі болды. Ал коронавирусқа қарсы вакцина салдырғандар саны 10 млн-ға жуықтады. Нақтырақ айтқанда, вакцинаның I компонентін 9203671 адам салдырса, II компонентін 8775383 адам алған. I ақпандағы американдық «Pfizer» вакцинасын салдырды. Жалпы облыс бойынша вакцинаның I компонентін 93 процент, II компонентін алғандар 89,8 процентті құрады. Ал 30 513 адам «Pfizer» вакцинасын алды, – дейді облыстық денсаулық сақтау басқармасы басшысының орынбасары Жангелді Шайымбетов.

«СБ» ақпарат

● ӨНІР ӨНІМІ

«Шиелі Шұжық» сапалы өнім шығарады

Шиелі ауданындағы «Шиелі Шұжық» ЖШС шұжық цехы қазіргі кезде аудан ғана емес, облыс көлеміне жақсы танымал. Одан шыққан өнімдер дастарханның сәнін келтірумен қатар, дәмді татқан жанның таңдайында қалады.

Айнұр БАТТАЛОВА, «Сыр бойы»

Сонау 2005 жылы құрылған цех біршама қиындықтарға байланысты 2017 жылы жұмысын тоқтатуға мәжбүр болды. Дегенмен, кәсіпорын басшысы, белгілі кәсіпкер Патима Маханбет қиындықтан шығудың жолын іздеп, өндірісті іске қосты. Осылайша кәсіпорын 2020 жылы жұмысын қайта бастады. Кәсіпкер «Байқоңыр» ӘКК-дан осы жобаға 32 млн тенге несие де алды. Істің көзін

тапқан кәсіпкерге кешегі пандемия да қолбайлау болмады. Жаңа құрылғылар сатып алып, жұмысын жандандырған кәсіпкер бүгінгі күні 12 адамды тұрақты жұмыспен қамтып отыр. Цехта заманауи жабықталған құрылғылардың арқасында күніне 500 келі шұжық өндіріледі. Жалпы мұнда шұжық өнімдерінің 12 түрі бар. – Өнімді нарыққа емін-еркін шығару үшін талапқа сай барлық жұмыстарды



жасадық. Сертификат, арнайы штрих-код та алдық. Ендігі мақсат – өнімнің сапасын тұтынушыларға түсіндіру, сапаның жоғары екеніне көз жеткізу. Өйткені сырттан келетін шұжық өнімдері өте көп. Нарық болғасын бәсеке қызу. Сондықтан тұтынушылар қатарын арттыруымыз қажет, – дейді Патима Шаймерденқызы. Сондай-ақ, кәсіпкер қазіргі кезде облыс өкімінің қолдауымен 2 процентпен 20 млн тенге несие алған. Ол қаржыға мал, жем-шөп алып, цехқа қажетті ет өндірілуде. – Өр кәсіптің өз қиындығы болады. Әсіресе, өндіріс кәсіпкерлердің жұмысы ауыр. Өндіріс өнімді дүкен иелеріне апарып, оның сапасын, дайындалуын түсіндіруге тура келеді. Сондай-

да тыңдағысы келмейтін кісілер де көп кездеседі. Амаң жоқ, өнімдімізді сату үшін кейде бір жерге бірнеше рет баруымызға тура келеді. Мен цехқа технолог маманды Тараз қаласынан алып келдім. Көпжылдық тәжірибесі бар білікті маман. Қазір енді осы салада оқыған бір жас қызды үйретіп отырмыз. Жұмысқа жастарды көптеп тартудамын. Өйткені келешегіміз жастардың қолында. Олардың білгенін, үйренгенін қалаймын. Аудандық жұмыспен қамту бөлімімен тікелей жұмыс жасаймын, – дейді кәсіпкер. Патима Маханбет аудан, облыс орталығында өткізілетін ауыл шаруашылығы өнімдерінің жәрмеңесіне де тұрақты қатысады. Тұрақтылық, әріне, тұтынушы талғамынан табылу деп білеміз.

